

無綫選秀節目《聲夢傳奇》前晚舉行決賽，16歲大熱門炎明熹（Gigi）勇奪3獎成大贏家，到場支持的無綫副總經理（綜藝、音樂製作及節目）曾志偉大讚她似當年的梅艷芳，是可造之材，天生就是站在舞台，必然會力捧她，同時會給機會予《聲夢》15位學員，現考慮為他們籌備開劇。

# 《聲夢》收視報捷無綫即啟第二季 大讚炎明熹似阿梅 曾志偉揚言力捧

志偉在比賽後接受訪問，他坦言在過程中知道票數走勢，故預料Gigi至少會有一、兩個獎，但冇諗過撈晒。他又讚Gigi是可造之材，「似阿梅（梅艷芳）以前，（是否可造之材？）絕對係，好淡定，唔似細路女，天畀佢一把好聲，吸收力好強，注定食呢行飯，最難得係好識感恩、尊師重道同好虛心，（會力捧？）必然啦！」他又透露正籌備一部關於校園夢想的劇集《青春的我》，除了今次參賽的15位學員演出外，可能還會安排導師加幾位《盛·舞者》成員演出，希望8月可以開拍，但要等學員做完演唱會先。

## Gigi目標要買10層樓

Gigi受訪時心情仍未平復，她先深呼吸了一下才笑說：「心情既興奮，又好似未返嚟，好似好唔真實，所以我攞獎一刻，應該喊得幾醜樣，唔相信自己會攞獎。」她表示希望暑假能返汕尾及石家莊，探望父母、爺爺嫲嫲和外公外婆。說到她唱《領悟》時，坐在台下的歌

唱老師亦被感動落淚，她謂得到老師提點後，當晚已沒以前般緊張，「但唱到歌詞『我不哭』就忍唔住想喊，仲有少少抖唔到氣。」她透露會兼顧唱歌和學業，至於奪得的10萬元獎金會儲起來，目標是將來可以買10層樓。未能得獎的姚焯菲（Chantel）承認有少少失望，因綵排不是這樣，但一上台就緊張，「我係輸得心服口服，聽聞Gigi比賽前已一直練，一開始已睇好她得冠軍。」她又透露未來會在唱歌方面發展。鍾柔美（Yumi）亦覺得Gigi值得拿3個獎，因對方付出很多努力。獲專業評審19盞燈但無緣晉身第二回合的冼靖峰（Archie）對於不少人替他感不值？他說：「要怪自己唔夠高分，聽到自己唱得有美中不足，出到台打折都正常，已經發揮晒所有，都滿意。」他大方讚Gigi實至名歸，又透露眾學員已相約食飯慶祝，並笑言要Gigi請食飯：「最少攞5萬元出來。」為了參賽已戒口一年養聲的他，表示最想食炸雞獎勵自己。

另外，前晚決賽電視直播收視錄得23.9點，最高達24.9點，成績斐然，而《聲夢傳奇》第二季亦隨即展開，全球網上招募即日正式展開，歡迎30歲或以下人士報名參加。



■姚焯菲（左）及鍾柔美輸得心服口服。

■16歲的炎明熹未來會兼顧唱歌和學業。



■曾志偉正籌備《青春劇》學員演出。

## 石修不干涉兒媳生活

### 張若希中學畢業留港升學

唐韋琪愛徒張若希與同班同學鋼琴公主廖恩婕告別中學校園，日前齊齊出席畢業典禮，若希更收到父母一大束鮮花及公仔，之後全家人去吃晚飯慶祝。

若希感謝母校多年來的教育，還有父母供書教學和支持，她眼紅紅說：「好唔捨得呀，但亦代表另一新階段開始，迎接唔同挑戰。」她最不捨得老師及同學：「每一位老師都好錫我，容忍同包容、體諒我，我亦都唔捨得同學，大家睇住大家一齊成長，佢哋細細個嘅樣仲歷歷在目。」最開心是與廖恩婕畢業後仍不時見面，因她們將合作若希的新歌，而廖恩婕將負責美國，若希則留港升學。



■張若希最捨得老師及同學。

## 國安法只對付一小撮人 陳百祥不覺生活受限制

陳百祥（叻哥）、石修、呂珊及謝雪心等昨日出席好友食肆開幕，叻哥主動大讚無綫歌唱比賽節目《聲夢傳奇》辦得幾成功，也讚賞3料得獎者炎明熹（Gigi）實至名歸：「Gigi是很有潛質，但曾志偉說她似梅艷芳有點過譽，她其實仲靚過阿梅少少，她唱得仲好有個性！」他又讚賞冼靖峰（Archie）唱得不錯，「做藝人要聲色藝，當年四大天王，大家最後都捧張學友，因為他最唱得，而Archie只是剛起步，還要比學友着數，因現在沒太多對手，學友年代就有好多對手！」

他又謂不會擔任今屆港姐司儀，「現在最緊要開心，而且一山不能藏二虎，有曾志偉一日我好難返TVB，我習慣做老細，他好難幫我打工，說笑而已！講真還是畀機會後生，要創意是靠班後生的。」叻哥又指有人說香港受控制，不可拍這不可拍那，要自我審判，但他不覺有這樣事情，「國安法只是對付一小撮人，只要不搞亂香港、不犯法就可以，其他製作空間、生活空間跟以前是沒分別的！我常亂噏，說話不用大腦，我都無事，大家都無事啦！」談及其寓所被指僭建，他表示屋企裝修中，亦不介意被指僭建，還開心有人數了他的身家出來！



■叻哥表明不會擔任今屆港姐司儀。

石修的新抱近日在社交平台騷三點式性感照，他表示：「她自己喜歡影什麼相都得，問題不大。（有否催兒子陳宇琛早日生B給你抱孫？）不講這些了，（你是否一個開明父親？）不會叫他怎樣做，始終現在是兩個不同的家庭了！」



## 馮寶寶愛子女不求回報

馮寶寶參演的電影《殺出個黃昏》上映5天錄得150萬票房，戲中講述她一家4口原本過着幸福快樂的日子，卻因孫兒校網問題導致關係破裂，「母親對子女的愛是無得講回報，如果他們講說話唔啱聽、激氣，我會喊，但始終都會原諒，最多是一邊喊一邊祈禱，等到適當時候，大家坐低傾開個心結囉！」

